

**GASTU ETA SARRERA**  
**KORRONTEEN EBOLUZIOA**

**GASTU ETA DIRU SARRERA KORRONTEEN EBOLUZIOA**  
**1990/2018 ALDIA (MILA EUROETAN)**

<b>ALDIA</b>	<b>GASTU KORRONTEA</b>	<b>SARRERA KORRONTEA</b>	<b>ALDEA</b>	<b>% SARRERA KORR.I BURUZ</b>
1990	6.520,53	9.767,92	3.247,39	33,25
1991	8.071,19	10.863,01	2.791,82	25,70
1992	8.660,91	12.550,89	3.889,98	30,99
1993	9.455,00	12.336,71	2.881,71	23,36
1994	10.336,41	13.078,00	2.741,59	20,96
1995	11.335,96	13.896,06	2.560,10	18,42
1996	11.612,34	14.712,51	3.100,16	21,07
1997	11.628,60	15.224,81	3.596,21	23,62
1998	11.254,50	15.707,83	4.453,33	28,35
1999	11.577,06	17.340,55	5.763,50	33,24
2000	12.407,90	19.991,32	7.583,42	37,93
2001	13.480,12	18.784,16	5.304,04	28,24
2002	14.097,90	19.140,00	5.042,10	26,34
2003	15.733,28	21.070,81	5.337,53	25,33
2004	17.018,25	24.461,19	7.442,94	30,43
2005	18.469,92	24.549,39	6.079,47	24,76
2006	19.598,02	27.650,81	8.052,79	29,12
2007	20.676,12	28.870,84	8.194,72	28,38
2008	22.574,11	28.469,48	5.895,37	26,11
2009	23.229,39	26.072,10	3.390,10	12,77
2010	22.622,13	27.608,56	4.985,43	18,06
2011	22.555,87	25.631,82	3.075,95	12,00
2012	22.121,79	26.665,20	4.534,41	17,04
2013	22.534,30	27.335,60	4.801,30	17,56
2014	23.293,83	29.347,56	6.053,73	20,63
2015	24.082,94	32.485,17	8.402,23	25,87
2016	24.917,32	30.983,42	6.066,10	19,58
2017(1)	24.700,00	30.900,00	6.200,00	20,06
2018(2)	26.836,24	31.273,17	4.436,93	14,19

(1) 2017ko aurrekontuaren itxierari buruzko aurreikuspenaren arabera, Aukea barne(2014arte bereiztuta)

(2) 2018eko aurrekontuaren datuen arabera.



Koadro hau aztertzen hasi aurretik, komeni da hausnartzea Udal gastuaren egituraren zurruntasun handiagoari edo txikiagoari buruz, edo beste era batera esanda, hausnartzea gastu korrontean zer neurritaraino dagoen borondatezko izaera. Hausnarketa horrek informazioa eman behar digu gastuen zertarakoa (lehentasunei buruzko eztabaida) erabakitzeko orduan Udalak daukan maniobra marginari buruz eta, kasua balitz, beharrezkoagoak edo lehentasun handiagoak diren programetara baliabideak bideratzeko gaitasunari buruz. Ikuspuntu honetatik, azaleko azterketatik abiatuta, ematen du IV. kapituluko - Transferentzia Arrunten (Dirulaguntzak) zati handi bat izan daitekeela, hots, borondate eta diskrezionalitate maila handikoa. Baina hori beti ez da horrela izaten eta, berez, aztertzen badugu kapitulu horretan emandako laguntzen izaera (Mankomunitateko kuotak, Iturbiderako ekarpena, Arrasate Musikalerako edo Goienarako laguntzak) justu kontrako konklusioetara hel gintezke, Udal konpromisoek izaera oso finkoa dutelako, bai gaur eta baita etorkizunerako. Dena den, eztabaida horrek aldagai subjektiboak dituenek, (konklusio garbiak ateratzera zailtzen dutenak), eztabaida hori saihesten ahalegindu behar gara eta gaur egungo errealitatetik (2018) abiatuta, oraingo maniobra margenean, bere bilakaerarekin batera, zentratu behar gara, aurrezpen arrunten bidez inbertsioak finantzatzeko udal gaitasunari buruzko adierazle baliagarria suertatu daitekeelako.

Beraz, udal aurrekontuen datuak soilik aztertuta (1990-2016 epealdiko datuak benetakoak dira, itxierako likidazioetatik aterata, eta 2017-2018 epealdikoak balioespenak dira), eta kontsideratuz gastu korrontea dela Gastuen aurrekontuaren I. Kapitulutik V. Kapitulara doan guztia batzea (langileak, ohiko erosketak, maileguen interesak, transferentzia korrontek eta Kreditu Globala) eta diru-sarrera korrontek direla I. Kapitulutik V. Kapitulara doazenak batzea (zuzeneko zergak, zeharkako zergak, tasak, transferentzia korrontek eta ondarezko diru-sarrerak), gastu eta sarrera korronteen diferentzialaren (udal aurrezpena) eboluzioan, koadro honen bitartez argi bereizi ditzakegu ondorengo zikloak:

1990-1992 aldia; maniobra-margena edo gerakina nahiko onarekin (sarrera arruntei buruz %30a, gutxi gora behera) eta gastu eta sarreraren bilakaera orekatuarekin.

1993-1996 aldia; margena edo gerakina dexente murriztu zen (%20ra heldu arte), gastuaren gehikuntzaren erritmoa, sarreraren gehikuntzari buruz, askoz altuago izan zela (gastuak >%10a urtero eta sarrerak, gutxi gora behera %5a).

1997-2000 aldia; gastuaren egonkortasunarekin batera sarrera arruntak handitu ziren, horrela aldea progresiboki nabarmen hobetuz (urteko sarreraren %38 izateraino heltzen da).

2001-2003 aldia; diru-sarrera korrontek mantendu dira (urte baten jaitsi ere egin dira), eta horrekin batera gastua handitu egin da, eta horrek ekarri du diferentziala kaltetzera (%25eko inguruko zifretan).


2004-2007 aldia; diru-sarrera arruntak nabarmen handitu dira, eta horrekin batera gastu arruntak gehitu egin dira, gehitu ere diru-sarrerak baino gehiago. Beraz, diferentziala ez da hobetu (emaitza, ehunekotan, diru-sarrerari buruz, apur bat okerragoa da).

2008-2014 aldia (krisialdiaren urteak); nahiz eta gastuen kontrolaren saiakera egin, hain garrantzitsua izan den diru-sarreraren murrizketa, bere ondorioa izan da, sarrera arruntei buruz, bai kopuruetan bai portzentajeetan, diru sarrera – gastuen diferentziala aztertutako aldi osoaren baxuenak direla (%20aren azpitik eta urte batzuk %13a besterik ez dela izan)

2015-2017 urteetarako, 2015ekoa salbuespen gisa utzita (ez ohiko sarrera handiak lortu zirelako - Ikuskaritza esparruan zerga likidazioak), diferentziala egonkortu da, sarreraren hazkundearekin (Aukeako sarrerak konputatzeaz gain, Foru Fondotik jasotako baliabideak ere handitu dira) betera mantendu dira gatuak. Horrek eragiten du berriro margena %20ren inguruan birkokatzea, sarrera arruntei buruz.

Bukatzeko, 2018rako, aurrekontuaren aurreikuspenen arabera, esan behar da bi ataletan (gastuak eta sarrerak) bilakaera hazkorra emango dela, 2017ko gastu errealekiko igoera handiarekin (%8) sarreraren igoeraren aldean (%1,2) eta, ondorioz, diferentziala edo maniobra margena aztertutako aldi osoaren kopuru baxuenetakoan uzten du (2009 eta 2011koarekin batera baxuena). Azken datu honek behartzen gaituzte hausnarketa sakona egitera, batez ere kontuan hartzen badugu sarrera fiskalak (diru-bilketa) gehitzeko aukera txikiak daudela, eta zailtasunak izan ditzakegula erabaki batzuetan atzera egiteko (TAO, azpikontratututako zerbitzuak, etab.). Garrantzitsua da adieraztea inbertsioak finantzatzeko gaitasuna hobetu nahi badugu ez dela nahikoa izango ekonomia koiuntura hobetzea eta sarrera gehiago lortzea, gastu atalean gastu berriak onartzeko orduan disziplina eta kontrol zorrotza aplikatzea ere behar beharrezkoa dela.

**GASTU ETA DIRU SARRERA KORRONTEEN EBOLUZIOA  
1990/2018 ALDIA**



**GASTU ETA DIRU SARRERA KORRONTEEN EBOLUZIOA  
1990/2018 ALDIA**

